

四庫全書

集部

欽定四庫全書

文苑英華卷四百五十四 宋 李昉等 編

制書七

節鎮三

授渾瑊京畿金商節度使制 陸贄

門下

集作勅

王者之制安不忘危弘其道則文武齊政教

其人則農戰兼務故雖縣內

二字集作當無事

不可去兵况宥

通寇虞干紀稔慝都邑郊甸騷然靡寧聿求信臣特建

戎號濟人夷難允屬勲賢京畿渭北節度使兵部尚書

行在左

集無左字

都虞侯渾瑊忠貞

集作信

博厚溫恭簡肅持

重不撓好謀而成居業克敦其詩書受賜每陳於廊廡

能推誠而

集作以

撫下不伐己以拒

一作短

人委任中外咸

著聲績夷險一貫隱然殿邦朕越在郊垌偏於

集作于

允

醜授之師律式是戎昭侍

集作警

衛增嚴斥候無爽檢身

齊衆同士伍之勞苦敦陣整旅壯行列之威容靜以伐

謀動而制勝臨危勵節予有賴焉王畿之內沃壤千里

綿亘商嶺屏於

一作于

南門觀風靖人詰禁誅暴俾爾

兼領用孚于休可京畿渭北渭南

集無此二字

金商等州節

度觀察處置等使餘並如故

授杜亞淮南節度使制

門下

集作勅

淮海奧區一方都會兼水漕陸輓之利有澤

漁山伐之饒倍具五方

集作人

地綿千里

集作方

聿求良牧

宜易其才今又革車方興

集作殷

軍賦屢調體

集作尚

於寬

大則事缺務於辦集則人殘有非剛柔適中文武兼備

其何以副我憂屬惠綏南方

集作邦

正議大夫行尚書刑

部侍郎上柱國扶風縣開國男杜亞識精體

集作典

要學

究宗源

集作元

妙於用而有常通其變而能久為理敦

集作

隆

教化之本立言叅禮法之中道無緇磷

集作磷緇

行有枝

葉回翔省闈表彌綸獻納之勤踐歷方州著清淨循良

之稱其嚴重可以鎮倍其材術可以匡時休有令聞

一作

名

輝映朝列朕以東南思乂注意求賢爰輟名臣俾寧

藩服往率厥職時惟欽哉可揚州大都督府長史兼御

史大夫充淮南節度觀察處置等使散官勳封如故

授唐朝臣振武節度論惟明鄜坊觀察使制

門下

集作勅

分命使臣統臨方岳弛張之道蓋亦從宜近

甸無虞則但廉風俗邊陲式遏則兼假旌旄名制雖殊

委任俱重膺是選命莫非勲賢開府儀同三司檢校兵

部尚書兼鄜州刺史御史大夫充鄜坊丹延等州節度

觀察處置等使平樂郡王唐朝臣嘗摠偏師邁於

集作于

多難仗義率眾臨危不回保全關衝抗絕兇逆守而能

固出則有功每急病而讓夷

出國語

嘗以寡而敵衆竟殲

大憝克集茂勲炳然真心堅若金石洎息師歸鎮按俗

頒條軍旅慰安流庸悅附元從奉天定難功臣開府儀

同三司檢校工部尚書兼左

集作右

金吾衛大將軍充右

街使上柱國兼康郡王論惟明釋位勤王有越難之節

扞城禦寇有持危之功奉主忘身棄家從國赴自郊甸

載踰巴梁險阻艱難靡不陪扈忠義所在死生以之久

司禁戎益茂勲

集作勤

績器質敦實識度寬敏通明吏職

練達武經本之以純良輔之以材術俾居藩翰魚謂汝
諧朕以北控單于國之巨鎮彼方戎率沉痾是嬰卧護
邊軍已淹寒暑閱其盡瘁難以重煩爰咨信臣更踐厥
職朝臣可檢校兵部尚書兼單于大都督御史大夫充
鎮武綏銀麟勝等州節度支度營田觀察處置押蕃落
等使開府如故惟明可依前檢校工部尚書兼鄜州刺
史御史大夫充鄜坊丹延等州都防禦觀察處置等使
功臣開府勲封並如故

授劉總守司徒兼侍中天平軍節度使制

元 稹

門下百谷所以朝巨海海不疑其貳於我也四

集作五

岳

所以鎮厚地地不畏其軋於已也故山澤之氣上騰天
應之則為雲為雨台輔之精下降君得之則稱帝稱皇

是以來羣疑者終不能成大功也

集無也字下同

推至信者必

有以來大順也况朕志先定臣誠素通偃七十年之干
戈垂千萬代之竹帛非我獨斷安能遽行某官劉總生

知禮樂神授機符移孝資忠本仁祖義學弄之始畫地

而壁壘之勢成言兵之時聚米而山川之形見

集作具

象

賢秉哲脫俗遺榮慕清淨以為宗會富貴之來逼自居

劇鎮亟集殊功

集作亟
立殊勳

威立兩省化行八部

集作郡

日者

除亮淮甸易師常山張吾掎角之雄賴爾股肱之力加

以深衷早達密欵屢聞求奉浮圖之真願棄全燕之重

誠嘉素尚難遂適中縱妻子之可捐宣君臣

集作父

之能

捨朕惟鄒魯之地鄆實居多俗尚師儒人推古朴

集作朴厚

施之美化豈無衆善之恩革其非心寧失大權之旨是

用正名台座重委藩方爾其張我四維敷我五教握龍

節以率下露蟬冕以行春宜體舉陶集作之令圖勿狗

集作脩巢由之獨行可守司徒兼侍中使持節諸軍事守

鄆州刺史克天平軍節度鄆曹等州觀察處置等使散

官勲封如故主者施行

授李愿檢校司空宣武軍節度使制

前人

門下昔者魯侯伯禽徒以周公之故遂荒大東重耳以
定傾之勞子孫不絕於晉昔我太師西平王在德宗時
能復京邑書于鼎彝每懷宗廟之安實念江山之永而

又繼有

集作其

英哲克全

一作生

今人惟弟惟兄莫非頗牧

尚想德施於十代何憚恩積於一門鳳翔節度使檢校

尚書左僕射李愿生長紈綺之中而素風自德

集作得

蘊

鬱驍雄之器而性與溫恭怡怡於叔季

集作李孟

之間翼翼

於班行之內始為夏帥遂著能名蹄角齒毛之良一無

取于

集作於

夷落而不貪之實

集作者保

大布於朔陸旋

集作洎

領徐方會征淮右隣寇陰狡將助鷓張來犯東郊冀延

晷刻爾乃提持戈戟淬礪卒徒一戰而蜂蟻盡殲不時

而鴟獍就戮聿來岐下號令益明繕完甲兵為我保障

朕以浚郊重鎮

集作地

尤藉良

集作長

材俾為司空以表東

夏持我邦憲用清爾人夫四海九州非不廣也然而靈

武魏博

集作於

大梁斷長補短方數千里皆爾為重

又何加焉於戲睢陽在爾之東張巡效忠之城未毀

集作

誠尚

夷門在爾之境侯嬴報恩之跡尚

集作猶

存又安知

憧憧往來之徒不有以仁義匡於爾者爾

集作勉

服休命

其惟戒之可檢校司空汴州刺史克宣武軍節度使散
官勲如故

授劉悟檢校司空幽州節度使制

前人

門下朕聞將星明則英豪用靈旗指則妖

集作氛

祲銷勁

草可以受疾風盤根然後見利器苟非處劇何以用長

况幽并少年燕趙竒士居常以紫駟自騁失意則白刃相仇將領斯難是先才傑昭義軍節度副大使知節度事澤潞滋邢洛等州觀察制置使金紫光祿大夫檢校尚書左僕射兼潞州大都督府長史御史大夫上柱國彭城郡王食邑三百戶劉悟天與忠誠人推敬讓蘊孟賁之勇不以力聞避廉頗之強使之心伏是以居危邦而智免臨大節而功高嘗見委於先朝屢作藩於右地朕以遼陽巨鎮自我底寧姑欲撫之以仁然後示之以

禮而守臣嬰疾幕吏擅權撓政行私虧恩剝下過為撻

楚妄作威稜不均饗士之羊但

集作徒

養乘軒之鶴致茲

撓

集作擾

變職此之由不有將材孰懲兒戲敷求朕志深

謂汝諧是用拔竒式冀宣力帖以亞相寵之上公俾光
十乘之行以壯三軍之氣可檢校司空兼幽州大都督
長史御史大夫充幽州契丹兩蕃經略盧龍等使散官
勲封如故

授劉悟昭義勇節度使制

門下昔潢池驟變則龔遂亟行河內去思而寇恂來復所以順人情而急時病也况雞澤衡漳附于上黨控帶河洛搯東燕趙其土瘠其人勁養理訓習尤所重難而幽州盧龍軍節度使檢校司空劉悟前臨是邦其政方睦兵甲完備師徒具嚴刑當罪而人不寃賞當功而財不費軍政威而無集作非虐吏道察而不苛州里行信讓之風鄉曲除武斷之患方將久次以惠斯人而難起幽陵救深焚溺輟於既理與彼惟新乘軒纜及於邢郊妖

慧忽生於冀分空沉台座未辨渠魁予懷震驚物聽傾
駭校其遠適當分後先遂駐腹心之雄以供臂指之用
復還龍節再息棠陰勉受新恩無移舊貫可依前檢校
司空兼潞州大都督府長史兼御史大夫昭義軍節度
副大使知節度事澤潞磁邢洺等州觀察使勳封如故
授馬總檢校刑部尚書天平軍節度使制

前人

門下吏久其職人安其業此前代所以稱理古也况奪

欽定四庫全書

文苑英華
卷四百五十四

九

三軍慈愛之帥換百姓仁惠之長有迎新送舊集作故之

弊因朝令夕改之煩自非有為而為曷若因集作且仍其

舊前天平軍節度使檢校禮部尚書馬總始以檄奏翩

翩俾從軍府儒學之外自此知兵踐歷他官所至皆理

處馭南海仁聲甚遠還珠之祥前事復出先皇帝以淮

夷未殄命相出征摠雖元僚亦佐叅畫大憝既剪台衡

復歸遂以丞相度旌旗授之於總總果善理蔡人宜之

會鄆寇底平復換麾棨丕變汚俗大蘇惇嫠不時成功

周月報政朕飽其聲績渴見儀形如聞就路之初頗有
擁轅之戀由是罷徵黃霸復借冠恂誠阻急賢之心姑
務從人之欲仍加憲部以壯戎藩勉服新恩用彰前効
可檢校刑部尚書依前天平軍節度使

授田布魏博節度使制

門下經曰父母之仇不同天雖及匹士

集作夫

而猶寢苦

枕干以期必報是以子胥不殉伍奢之死卒能發既藏
之墓鞭不義之屍取貴春秋名垂萬古而況於身備

集作

發將壇父死人手家仇國耻併在一門當懷嘗膽之心

宣俟絕獎之禮金革無避其在茲乎前四鎮北庭行軍

兼涇原節度使檢校左

集作右

散騎常侍御史大夫田布

咨爾先臣惟國元老首自河朔來朝帝庭而又東取青

齊北討燕趙提挈義旅勤勞王家冒白刃而不疑推赤

心而自信屬冀方求帥余所重難輟自大名付茲巨鎮

而中台暗拆上將妖侵蟲賊潛寘於腹心豺狼勃興於

肘腋人神憤痛朝野驚嗟深軫予懷誓擒元惡以爾布

詩書并習忠孝兩全常用魏師克征淮孽素行恩信共

著勲庸豈無奮檄之圖

集作徒

為報寇仇之黨且魏之諸

將由爾父而崇高魏之三軍蒙爾父之仁愛昔既同其

美利今豈忘其深冤爾其淬礪勇夫敬恭義士一飯之

飽必同於士卒一毫之費必用於戎

集作其干

矛非算畫不

萌於心非軍旅勿言

一作宣

於口居則席藁寒則抱冰以

喪禮處之若哀心感者必有為橫身刎頸感智捐軀下

報營魂旁清醜類於戲至誠可託稔惡難逃矧彼凶殘

在前提劍執金無忘哀

集作去將安往墨緣在體玄燾

亮狂敬可起復寧遠將軍守右金吾衛大將軍員外同正員

檢校工部尚書兼魏州大都督府長史御史大夫克魏

博等州節度觀察處置等使勲賜如故王者施行

授牛元翼深冀等州節度使制
前人

門下鷹隼擊則妖鳥除弧矢張則天狼滅湯沐具而蠶

蟲相吊針石熾而瘞集作疽立潰苟得韓盧而示之狡

兔則可備俎豆而俟脯醢矣復何憂於越軼集作逸乎夫

將者亦蟻虱之湯沐而渠魁之韓盧也我得之矣又何

患焉檢校右散騎常侍深州刺史牛元翼挺生河朔之

間迴鍾海岳之秀幼為兒戲營壘已成長學神樞風雲

諳曉衆推然諾已任安危集作功名善用奇兵尤精攻集作技

擊陳安之矛丈八顏高之弓六鈞或山立於軍前或肉

飛於馬上而又謙能養勇孝以資忠雖膽力過人而心

誠許國自常山作汾上將罹災慟哭轅門誓清妖孽羽

書三奏驛騎四馳上請廟謀旁徵隣援指期斬叛尅日
圖功斷自予衷開懷用爾夫以爾之才力而取彼之先
殘是猶以火焚枯以石壓卵螳臂拒轍雞肋承拳萬萬
相殊破之必矣而況於鎮之黎人皆朕之赤子爾之部
曲卽鎮之卒徒聞爾鼓輦之音懷爾椒蘭之德吾知此
輩誰不革心爾其寒者衣之饑者食之無發室廬無害
農稼苟獲戎首置之藁街下以報忠臣之寃上以告先
帝之廟則蚩蚩從亂予又何誅於戲殺人盈城爾其深

戒孥戮誓眾朕不忍言再換蟬冠新持武節恩不虛授
爾其敬之可檢校右散騎常侍克深冀等州節度觀察
等使

授牛元翼成德軍節度使制

門下王庭湊山東之

集無之字

一叛卒也非有席

集作序

勲藉

寵之資強大結連之勢一朝驅朕赤子弄吾甲兵是猶

以羊將狼莫不以

三字集作其下必當

潰其心腹而猶越月踰時

莫見畚其喉者豈非常山無帥趙子弟無

無集作未有

所歸

耶翁而受之我有長畫深冀節度使檢校右散騎常侍

牛元翼燕趙間號為飛將望其旌

集作旗

幟者莫不風靡

一作飛

雨散圖其戰伐不可勝書而又忠孝謙廉慈仁和

惠愛養士伍均如鳴鳩鎮之三軍爭在麾下自領深冀
殷若雷震居四戰之中堅一城之守以少擊衆以智料
愚鼓角不驚而梯衝自殞人願為用寇不敢前掃吾氛
煙捨此安往前所謂我有長畫莫若用集作命爾以來鎮
人是用益以二州超之八座帥乃成德廉其四封爾其

來者懷之迷者諭之老者視之幼者撫之狂者遏之逆者絕之惟是六者爾其懋哉可檢校工部尚書克鎮州大都督成德軍節度使鎮深冀趙等州觀察處置等使
授楊元卿涇原節度使制

門下士以捐妻子冒白刃忠於許國勇於忘家

集作勇於為國

輕於為身

貢先見之明於羣疑之際者大將書竹帛以示後

次則建麾蔡以臨戎功不見圖則勞者何勸忠不見用

集作賞

則悖者何誅聿求其人用檄爾類游擊將軍守右

金吾衛將軍御史大夫

四字集作權
勾當右街事

楊元卿衣冠貴胄

文武長才常求三略之師耻學一夫之敵是以視豺狼

之穴履尾甚

一作防

危蓄鷹鷂之心卑飛待擊請分金以

間楚願奉璧以伐虞身以智全家因義喪謀蔡之始實

有力焉及典方州尤彰績効自居環尹益茂勲勤西旅

未平是資良師授以

集作技於

不次式屹竒功爾其闢我土

疆謹我封守視我士卒如爾子攘我夷狄如爾仇勉竭

乃誠以敷朕志珥貂持簡用示魚榮可朝散大夫檢校

左散騎常侍使持節涇州諸軍事兼涇州刺史御史大夫克四鎮北庭行軍兼涇原等州節度觀察處置等使勲賜如故主者施行

加授陳楚義武軍節度使

一作檢校左僕射

制

前人

門下朕聞

四字集作門下昔楚師多寒楚子巡而撫之士皆如挾纈明號令之可以動人也由是

天以雷霆蘇蟄氛兵以鼓鼙作戰力高官重秩可以興

起人之壯心

八字集作其為號令也不亦多乎

我無愛焉加之

集作戎

帥亦所以作萬夫之氣而增一鼓之雄也義武軍節度

使檢校工部尚書陳楚茂昭之甥雅

集作
酷

似其舅摠齊

武旅

集作
義武

於今六年以兩郡之賦輿備三軍之供費人

不勞耗而兵能繕完政有經矣今遼揚冀方紛亂交虐
楚實間居於此其勤可知自非國之干城物之利器安

能為我保障芟夷寇讎將欲激其懋勳

集作
壯心

夫何恡於

好爵加之左揆以盛中權苟有庸功豈無後命勉爾勳

効副余憂勤

八字集作於戲書云功懋懋賞言其當也
傳曰捨爵策勳言其速也今則寇未平而

進律馘方獻而先思吾於將臣可
謂無所負也苟不自劾其如法何
可檢校左僕射使持

節定州諸軍事兼定州刺史克義武軍節度使散官勳

封如故主者施行

授烏重胤山南西道節度使制

前人集
無

門下惟梁州會險形東襟帶皇都南開蜀國西控戎落
地宜用武政必兼文茲惟信臣膺是專委橫海軍節度
使烏重胤才本雄勇器惟溫茂承累將之業不以驕人

歷重兵之權每思下士沉威不耀至信自彰立竒節於
過亂之初成休勲於盜寇之日焯然來効夙簡朕心自
經理海邦訓齊戎旅災荒之後安阜為難政以和均人
斯悅勸善績可舉壯猷克宣是用遷鎮近藩更弘遠略
恢復西土伊正南都式寵忠勲宜服榮獎可檢校司空
克山南西道節度使

授王佖檢校戶部尚書靈鹽節度使制

白居易

門下靖邊之要選將為先夫有統馭之才然後以制節

度

一作投以節制

之任有撫備之略然後以鎮夷夏之衝期乎

懷遏寇虞慎固封域今予命爾時謂得人開府儀同三
司檢校刑部尚書兼右衛上將軍寧塞郡王食實封二
百五十戶王必忠厚立誠果斷効用慎始終而行有枝
葉踐夷險而道無磷緇早練武經累從軍職頃逢多壘
實佐元戎節著臨危功叅定難位由勞致名以忠聞自
列六卿且司七萃星霜屢變金石彌堅宜申命以北轅

俾遏戎於南牧進地官以崇新命極勲秩以褒舊功中

簡朕

知集作心

外諧僉議况五原重鎮諸夏長城修戎政

莫先於威聲牧邊氓莫尚於惠實師雜昆夷之悍訓必
在和地為獯虜之隣撫宜以信勉率是道往分朕憂歲
時之間期於報政委望斯在爾其聽之可檢校戶部尚
書兼靈州大都督府長史御史大夫克朔方靈鹽定遠
城節度副大使知節度事管內支度營田觀察處置押
蕃落等使仍賜上柱國散官封實封並如故主者施行

四年六月三日

授闕巨源邠寧節度使制

門下華夷要地實衛

集作
為

藩漢鈇鉞重柄必授忠賢况

乎犄角諸軍金湯中夏有坐甲護邊之旅任切於拊循
有引弓犯塞之虞寄深於備禦中

集作
內

作心腹外張牙

爪苟乏

集作
非

信臣不在茲選奉天定難功臣開府儀同

三司檢校尚書右僕射兼羽林軍統軍御史大夫上柱

國定襄郡王食邑三千

二字集作
一千三百

戶闕巨源忠而能力

勇以好謀誠諒著於艱危勲績彰於事任蓄是武略鬱
為將才洎出鎮朔陞入司環衛獫戎即叙時乃之功禁
旅統和時乃之訓可謂備知虜態明練兵符永惟頗牧
之能宜授卹邠之寄長南宮而遷左揆壯西郊而委中
權旣圖前勞且佇來效於戲十連之帥可以觀政萬夫
之長可以樹勲勉弘令猷副我休命可檢校尚書左僕
射持節邠州諸軍事兼邠州刺史御史大夫克邠寧慶
等州節度管内支度營田觀察處置等使功臣散官勲

封如故主者施行

四年十月一日進

授軍使卻寧節度使制

門下金方之氣凝為將星王者法天選命豪傑授之以
鈇鉞拜為將軍以威西戎以護中夏而倚望若是安可
非其人哉某官某乙出忠入孝仗信抱義行有餘力學
劬讀書鬱然將才又集作兼文武自領軍衛為我牙爪
夙夜警巡不懈於位材官知訓環烈增勲服勤五年茲
為成績可以移用使之守疆卽卻大藩控扼胡虜若得

良將則無外虞知臣者君非爾不可仍加副相以重是
行勉樹勲勞式光寵擢

授王某魏博節度使制

門下師長之選重難其人况河上列城鄴中雄鎮初喪
良帥思安衆心若親與仁方膺是命具官王某出忠入
孝根乎至性好學樂善出於餘力發自修己施于為政
可以守土可以長人今兩河之間三軍乏帥是用命爾
領茲大藩澄清魏風疆理

疆禁
作輯

相土為我垣翰永孚于

休往其欽哉無替厥問

集作職

可魏博等州節度觀察使

授薛平鄭滑節度使制

門下武牢以東至于白馬形制之地水陸之會宜擇文武兼備者以為守臣右衛將軍薛平自司禁旅為我爪牙訓整警巡能宣其力常使于絕國可謂有勞嘗牧於大都集作郡亦聞有政况忠厚為質通明為用秉吏道之刀尺襲將門之弓裘可以為三軍之帥可以理千乘之賦俾輟才於北落往按節於東方爾其式遏四封輯寧

百衆明簡稽以實軍旅信賞罰以勸吏人勉率乃職無
忝厥命仍以冬卿副使兼而寵之可檢校工部尚書御
史大夫鄭滑潁等州節度使觀察處置等使

授田興工部尚書魏博節度使制

前人

門下馭下安人其道不一或序能以次用或因效

集作功

以拔才所命雖殊同歸共理具官田興時屬本軍初喪
戎帥亂政或起群心不寧而興列在偏裨奮其義勇謀

成必中事至能斷智略所及指麾所加一軍獲安百衆
悅附連獻章䟽恭俟制命有節有禮朕用嘉之夫以將
材如彼軍情若此允膺不次之舉可責非常之功是用
寵之冬卿擢為大將及以印授就拜軍中行乎敬之勿
墮乃力可檢校工部尚書兼御史大夫魏博等州節度
觀察等使

授李夷簡西川節度使制

門下征鎮之重

集作大

實惟蜀川西距于戎南漸于海有

重江複山之險有長轂堅甲之旅水陸交會華夷雜居
疇能理之我有良帥山南東道節度使李夷簡以正事
上以簡臨下伏茲器用累當任遇執憲之難也爾為臺
臣其職甚舉司計之重也爾調邦賦其效可稱爰資長
才出領重鎮自撻符鉞于漢之南專奉詔條削去弊政
均穀藉不一之賦罷舟車無名之征近悅遠來歸如流
水俗用丕變人汜小康三載考功爾為稱首

一作為進
足稱道

其右秩遷于大藩以均惠乎四方以旌勸乎羣吏昔文

翁明於教化種暲優於政能已蜀之間遺美猶在不替
前效可以嗣之佇聞有成用光厥命可檢校吏部尚書
劍南西川節度等使

授袁滋襄陽節度使制

門下漢以二千石之良者入為公卿周以六官之賢者
出兼侯伯內外之任所命則殊至於理軍國寵忠賢其
致一也戶部尚書袁滋奉上甚勤臨下甚簡安人附衆
尤是所長頃資其能移鎮東郡略其科禁緩其征徭政

不滋彰人用休息在部七載績茂課高璽書徵還益聞
遺愛老幼遮道事隣古人朕方勤恤疲氓褒獎循吏累
月再命其有旨哉舉鄭滑之政也故旌武公之美寵以
司徒憂襄漢之人也故拔一作叔子之才委茲征鎮類
能而使其在此乎勉効厥聲無替前效可某官充山南
東道節度等使

文苑英華卷四百五十四

欽定四庫全書

文苑英華卷四百五十五 宋 李昉等 編

制書八

節鎮四

授韓弘河中節度使制

李 紳

門下王者統馭萬寓緝熙庶政必有文武全器柱石之
臣出壯藩岳入和台鼎使其效彰中外聲播華夷所居
而人心自寧所蒞而軍令自肅充自任者其惟至公開

府儀同三司守司徒兼中書令上柱國許國公食邑三千戶韓弘受天地凝粹之氣得山川崇深之靈厚其體

而壯

詔令作莊

其容虛其心而宏其量早洞戎韜之學久膺

節制之權隱然大梁克有成績及功宣盪寇志展勤王

懇申戀闕之誠竟遂來朝之禮位高百辟榮冠一時恩

極而愈恭名光而益勵朕方欲樹以垣翰仗乎忠賢乃

睽闕河之首

詔令作守

實惟股肱之郡自昔重寄無非元勳

是用命以上公復茲雄鎮於戲頃居東夏父子偕分閭

之榮今處近郊伯仲並登壇之貴道苟積於忠實顧何
愛於寵章往惟欽哉副我明命可守司徒兼中書令河
中尹充河中晉絳慈隰等州節度觀察處置等使散官
勲封如故主者施行

授柳公綽襄州節度使制 蔣防

門下江漢之間襟帶之重歷考前載咸稱上游濱七澤
之川源為一方之都會撫封命帥匪易其人朕所以屬
意忠賢達于寤寐思弘至理暢合一作洽元元是用選茲

廉平付以疆土允叶僉議庸歸至公銀青光祿大夫尚
書左丞相柳公綽儒門令緒文苑弘才器含剛堅質抱
沉厚臨事有斷龍泉挺霜雪之鋒處身無瑕大玉蘊雲
虹之氣間者擢居臺閣累守方隅長沙流易簡之風鄂
渚肅鼓鼙之令及典司饋運牧長京畿銓綜度官紀綱
百度咸能舉其典則奉以周旋顧惟公忠朕所嘉尚今
乃命爾仗茲旌旄鎮峴首之城池撫襄陽之耆舊於戲
昔羊叔子以寬厚弘其化杜征南以文雅播其猷人到

于今往往稱歎勉爾終始嗣乎風流罔俾二臣獨輝專
美霜臺峻秩人部榮班載光超擢之恩式崇連帥之拜
服我嘉尚爾其欽哉可檢校戶部尚書襄州山南東道
節度等使

授王宰高承恭田牟三道節度使制

封 敕

門下朕常日出視朝與三四宰臣百辟卿士詳求理本
期臻大和矧軍旅之事豈忘念慮古者命將必登壇告

廟推轂授賑所以示專征之任也况許昌宜祿廊疇三鎮之重一時所難誠當注意之求俱承並命之選銀青光祿大夫檢校工部尚書兼御史大夫充朔寧節度觀察處置等使上柱國大原郡開國公食邑三千戶王宰誠貫金石秀鍾山河文誼禮義之源武服鈐符之奧銀青光祿大夫檢校右散騎常侍兼右金吾衛大將軍御史大夫克右街使上柱國渤海郡開國公食邑二千戶高承恭心澄水鏡嚴奪秋霜幼知仁義之方壯慕功名

之業朝散大夫豐州刺史檢校工部尚書兼御史大夫
賜紫金魚袋田牟風雲應兆鷓鴣當秋素懷搏擊之威
夙負騫騰之志而皆公台令嗣勲開才人奉嚴訓以承
家推大忠而許國游心百氏有志四方知山川險易之
形識古今興亡之道累更任用咸著聲猷或屏衛四郊
而西戎修舉或誰何右仗而緹騎整嚴或安靜朔陞而
虜塵載息吾之用汝不愧知人今以忠武司徒始終誠
節南征北伐每聞盡瘁之誠破敵摧堅必茂策勲之典

洎乎新平捍疆場之要洛郊當控帶之衝固其金湯利
彼牙爪凡為展効皆竭忠誠爾其為吾申惠慈布膏澤
懷忠伏順者延其賞窮羸孤瘵者加其恩使人人知吾
待爾之心其厚若是勿獨以鼓鼙之壯號令之嚴報於
朝廷是曰為政服我休命爾其戒哉舊秩新恩同登八
座之貴搖旌展旆分榮十乘之行宰可本官克陳州節
度使承恭可檢校工部尚書充邠寧節度使牟可守本
官充鄜坊節度使

授史憲忠涇原節度使制

門下旌善所以勸人毓才所以任事其有誠明夙著績
效魚聞舉其風猷以示甄擢况貴擁旄鉞榮分土疆苟
非魚諧豈在良選正議大夫檢校左散騎常侍隴州刺
史充本州防禦使上柱國賜紫金魚袋史憲忠生知臣
節幼學兵符氣高風雲聲振河朔許國之心既壯忘家
之義以明忠必盡於君臣情可斷於昆弟秉是名節服
吾周行使寵滎陽旋歷環衛稱職之論流芳可聽日者

輟於牙爪守在邢隴戎事既肅氓心用安求瘼而承醫
盡痊折煩而迎刃先解頗謂良牧真為才人今以涇上
右軍平原善地左接甸服右連蕃疆固鄴鎬之金湯室
犬戎之巢穴是以擢自郡邸陟于齋壇曳尚書之履聲
舉將軍之戎律爾其靜我邊鄙撫我師徒嚴如秋霜愛
若冬日於戲亞夫之營細柳叔度之化潁川彼之何人
茲實望爾憲臺華省節制澄清敬服寵光勉揚茂効可
檢校工部尚書充涇原等節度使

授劉礎廊坊節度使制

門下渭州之北泰山之東乃眷雕陰寔曰廊峙兵甲完
勁賦輿殷繁扼朔塞之咽喉為鎬京之管籥苟非勲賢
令嗣術業聞人則不可列彼土疆授之鈇鉞式舉成命
其惟至公銀青光祿大夫檢校左散騎常侍兼左金吾
衛大將軍御史大夫左街使上柱國彭城縣開國公食
邑三百戶劉礎唯爾先父在長慶中自幽陵舉旆歸國
志誠白日節高青雲艱難已來勲績無對果有令嗣何

嘗乏賢而礎居然將才蔚有公望孫吳之機變學則能
通頗牧之功名企而必及踐歷中外周旋寵榮拖朝服
而休問洋洋握郡符而理聲藉藉動有餘裕行多去思
洎官奉誰何力勤巡徼有勞夙夜備竭忠公是用旌其
器能爰在推擇寵以維翰坐一作榮以建牙擁紅旆以臨
戎宣皇風而問俗十乘在列雙旌啓行節制連營澄清
屬郡長冬官之峻秩冠栢署之崇班無以貴自矜無以
善自伐勉樹爾德克揚家聲敬之戒之無忝休命可檢

校工部尚書兼御史大夫充鄜坊等州節度使

授崔元式太原節度使石雄河中節度使制

前人

門下築壇命將在選攸難建旆臨戎為榮斯極况并汾
有豐沛之舊蒲絳居關輔之雄擢其才能付我憂寄河
中節度使檢校右散騎常侍御史大夫上柱國博陵縣
開國男食邑三百戶崔元式族茂鼎甲器合珪璋明當
察毫智必周物所蒞之職居然有聲晉絳行營諸軍節

度使銀青光祿大夫檢校工部尚書武威縣開國男食
邑三百戶石雄等業擅韜鈴志堅金石勇無前敵義必
忘身所舉之鋒何往不利况佩服榮顯作時津梁或劇
職名藩累聞於尤績或南征北伐常紀於殊勲龔黃之
接武尚優廉白之差肩無媿爾其懿效吾乃宣言陟明
之命是曰彞憲噫并部叛卒已見成擒壺闕狡童尚偷
餘息干戈未偃飛輓猶勞爾其外訓甲兵內康黎庶誅
杖剪怪勲庸勿讓於他人布渥行恩愷悌俾流於隣壤

儀曹起部長憲尹京俱成提劍之榮各重擁旄之任敬服寵命佇聞休聲元式可檢校禮部尚書充太原節度使雄可守本官充河中節度使仍晉絳行營諸軍征討等使

授崔龜從嶺南節度使制

門下庾嶺之南五諸侯而番禺揔其襟帶他官之務豈相侔焉琛賫叢湊蕃夷交錯非廉平之操不可以勵其風非幹敏之才不可以齊其俗副我所任惟時之良中

散大夫前宣州觀察使崔龜從襟靈坦夷器局沉厚温
玉外朗澄瀾中深慎言克保其樞機養德善周其藩屏
早藉重價歷登華資望高綸綍之工才見版圖之極常
鎮關輔人懷去思試操銓衡刃有餘利洎乎重剖符竹
初命廉車江左奧區宣為右地一去臨蒞五更炎涼風
猷溢聞課第居最陟明之典誰實爾先吾以登齋壇授
戎柄百越稽顙雙旌建牙可謂宦遊峻一作過途儒者極
致旌爾懿効服吾寵光况儀曹居八座之榮副相冠栢

臺之首重以朝命崇其使車爾宜廣施惠慈遠去珠玉
無使伯周獨擅名於合浦隱之未繼美於貪泉佇聞淑
聲用益休命可檢校禮部尚書兼御史大夫克嶺南節
度等使

授盧商東川節度使制

門下入則掌邦計操利權績雖綿於歲時事不虧於國
用經費之道吾所委焉出則築齋壇授戎柄才可寄於
分閫令可信於貞師節制之雄吾將付也苟非全器孰

謂當人正議大夫戶部侍郎兼御史中丞范陽郡開國
子食邑五百戶賜紫金魚袋盧商天生才能性稟忠厚
心鏡融朗情田坦夷固道德於藩籬服仁義之干櫓早
以文行備由班資休問溢於臺閣善政行於封部先朝
輟自廷尉牧于長洲治成歌謠聲達輦轂亟長憲署委
登廡車摠十連之阜殷澄六郡之風俗由是徵自藩服
歷居劇權貳秋曹而無留獄大京兆而有餘地及授其
征賦較其盈虛屬武車在郊軍食繼輓役其心慮所効

則勤均以勞逸用旌久次梓潼據梁蜀之險紅旆雜一作
飾鼓鼙之嚴仗茲變通允乃文武訓以戎事修其政經
遠俗俟爾而安皇風俟爾而暢布政佇聞於盈耳服榮
無忝於建牙題劔儀曹持綱憲府用光朝寄式壯戎麾
可檢校禮部尚書兼御史大夫東川節度使

授李執方陳許節度使盧弘宣易定節度使制

前人

門下節制之重難其任者莫不貴擁旄鉞榮分疆土連

營申號令之嚴列郡舉澄清之化况許國為河

一作洛京

之屏中山當朔漠之衝時維重藩吾實注意將命其帥
必資才人義武軍易定節度使銀青光祿大夫檢校吏
部尚書上柱國李執方道茂宗枝業光任用武有成算
文多據經顯顯其資個儻負丈夫之氣中大夫檢校工
部尚書兼秘書監賜紫金魚袋盧弘宣名重詞苑價高
朝行青雲有聲名玉無玷落落其壯雍容得君子之風
而皆明當察毫智必周物大小惟叩方員靡常求瘼而

為吾良醫折繁而宣爾利刃常踐顯任俱流淑聲或執
金吾而勤晝巡夜警之績或尹京兆而著擒奸擿伏之
名輦轂之下風稜甚舉人有畏矣予常賴之類其勞能
擢在推獎比者河橋作鎮玄武董戎訓練有律於貞師
惠化頗行於問俗回遷易水入拜蓬山耀武庫之戈矛
煥麟臺之圖藉綽有令望宜承寵光建牙三煥其雙旌
授鉞再榮於十乘天官舊貫人部新曹同假正卿分兼
大憲式示登壇之貴用申列土之榮勉服官常無忝休

命執方可檢校吏部尚書兼御史大夫充陳許節度使
弘宣可檢校戶部尚書充易定節度使

授盧弘正韋讓等徐滑節度使制

李納

門下彭城故壤南據長淮滑臺重鎮

一作藩

西彌嚴邑建

牙謀帥於是攸難合得全才式光並命義成軍節度使
盧弘正識略圓名襟靈倜儻行有枝葉文耀菁華扣洪
鍾而自韻宮商挺銚刃而前無根節檢校左散騎常侍

駙馬都尉常讓機謀通敏誠性端和族茂簪纓望兼賢
戚鄙羸金而必專詩禮捷玉質而不雜風塵並稟粹元
精宜符景運或發聲文囿攘臂更途休功流美於劇權
理行推高於良翰經武著安人之略事君堅許國之心
或早踐通班騰芳懿行職守交修于列寺出納無愧於
有司操刀呈剗割之能馭黠有神明之稱徊翔中外迭
振徽聲簡自予心膺茲閫寄揔齊邦事節制王師朕以
徐方一軍義勇素著帥臣無狀戎府不寧爾其便道持

行一作封著安一作安堵闔境推誠宜先乎必信開懷以勗其

後圖使軍城保晏開之安邑居絕夜吠之警然後昭宣

號令折衷恩威務壯其猷以清厥慙一作慙將俾望風而

理宣期朞月有成屬在新規注意彌切於戲訓戎撫俗

節用厚生政苟有經人自知禁為邦之道宜易於斯並

進秩於六官仍並榮於三事往踐乃職爾惟戒哉可檢

校戶部尚書工部尚書各兼節度使

授薛元賞昭義軍節度使制

門下上黨古今之重地也東山東之襟要控河內之封
壤擇我良帥屬在全才銀青光祿大夫袁正傳薛元賞
性含弘厚智識圓方秉忠孝以立身叅文武而為用早
備器使雅聞公才誠明與人寬大懷物再尹京邑威名
甚高寇攘之徒相視束手旋以長轂臨于彭城嚴而不
苛通則有守移旆巨野益恢壯猷將材吏師首出藩服
洎揔宰益之任頗多瞻國之能荐分竹符理行居最常
慕子文之道爰從賈誼之徽恬然自居物論歸重是用

擢於傳導命以土田解長居於戚藩樹高牙於重閫爾
宜貞厥師律邵其農功訓齊撫綏無墮前志闕職分五
兵之重南臺膺副相之榮壘處寵光俟乃成効

授陳君從廊州節度使塞門行營使制

門下洛水交波廊城舊時地當冠壘界接王畿外為襟
帶之邦中有賦輿之實屬者黠羌未戢燔燹猶虞置將
或乖征師向老顧一作思得頗收付之邊疆擢吾材臣式
昭竒策邠州刺史陳君從學啓玉鈴志昭甲令機符天

與信愿生知浸染於勲伐之門奮發為英謀之士特稟
雄氣魁然壯猷窮黃石之三編笑長沙之五餌久服戎
旅益通武經遂升外臺俾守柵邑歌襦袴而苛慝不作
提卒乘而障塞不驚而又累陳表章願展材効雖遵條
共理仁風見重於朱轡而授脈分麾將星宜明於紫塞
既申引拔寧繫班資爰思鼓鼙乃錫鈇鉞秉列部察廉
之務佐兵車招討之名首戴附蟬之冠位長集烏之府
摠制師旅振揚軍聲往圖休庸勉答殊寵於戲玉闕迨

述定遠收功先零猖狂營平善計建此勲者彼何人哉
宜堅盡敵之心以固請纓之志無令直筆有愧前修

授李珣揚州節度使制

蔣 伸

門下維揚右都東南奧壤包淮海之形勝當吳越之要
衝闐闐星繁舟車露委若非人倫碩望台鼎舊臣則何
以鎮撫巨藩允膺僉屬金紫光祿大夫守吏部尚書李
珣器量弘深襟靈冲粹道光朝彥德契人師文章窮三
變之風學術洞九流之奧莊敬形外溫積中松筠自

高珪王不耀負經國之策蘊致君之謨輔弼兩帝始終
一心忠直貫於金石節操勵於冰霜邦家克寧毗倚是
屬敷歷斯久聲猷益光洎受鉞孟津宣風列郡而能訓
齊師旅潤澤蒸黎姦豪懼秋霜之威孤弱懷冬日之愛
載膺叅選望洽冢卿銓管無差操鑿惟允惟爾早踐夔
龍之位再分邵武之權儒臣之榮可謂全美式崇端揆
之重仍兼亞相之雄勉思令圖副我嘉寵

授鄭洵徐州節度使制

門下地控淮沂俗推豐沛將軍處右既膺分閫之權元
戎啓行必仗貞師之節爰舉成命屬於信臣平盧軍節
度使檢校左散騎常侍鄭洵峻直無徙堅明有立渾金
發彩夷玉不彫屬文能舉其菁英聚學必窮其根本誠
同匪石利可荆鍾早踐華資備揚稱述憲府常聞於避
馬外臺亦致其擁轅遂列粉闈旋升瑣闥彌高素望深
竭忠規洎尹正神州益彰才用不施鉤鉅之術自銷桴
鼓之鳴論洽縉紳名喧輦轂爰授征鉞出臨全齊先路

馳聲下車報政黃霸布理人之績寇恂推馭衆之材閱
乃器能式光委寄今以彭門重鎮禹貢名區兵車素號
於精堅舟楫適當其津要求我良翰惟爾僉諧是宜節
費通商均勞齊佚剛柔無忘於迭用威惠必在於兼行
約已豐財正身率下俾夫三軍畏愛一境澄清懋昭厥
庸祇服休寵加榮曳履以壯登壇勉副知人佇酬明獎



文苑英華卷四百五十五

欽定四庫全書

集部

文苑英華卷四百五十六至

詳校官庶吉士臣柳邁祖

助教臣常循履勤

總校官進士臣朱 鈐

校對官中書臣鮑之鍾

謄錄監生臣錢萬卷

欽定四庫全書

文苑英華卷四百五十六 宋 李昉等 編

制書九

節鎮五

授孫範青州節度使制

蔣 伸

門下作朝廷之巨屏寔利建侯委兵旅之大權必先謀
帥况地雄北海境接東蔡任貢鹽絺俗尚經傳一作術所

付至重擢才惟難守大府卿孫範文學傳家清貞勵已

以詞律振跡用吏理揚名周旋臺閣之間浹洽休嘉之
稱連分符竹出撫蒸黎所至皆號為循良秉心不爽於
誠信洎徵還朝籍服在大僚物情與能公論彌暢俾列
象河之位仍司長府之殷出納有程帑藏無耗念此勤
效爰議疇勞乃眷全齊名高中域州寔分於伯禹化則
起於太公具五方之人成一都之會其所撫制必俟道
明夫務穡勸分之謂勤秣馬訓兵之謂備保大定功之
謂德救患睦隣之謂仁率彼三軍行茲四美藩垣東夏

羽一作承衛中邦勤脩武經靜致俗阜先副朝獎用答予

知既超鄭默之官又進周昌之秩皆謂殊寵佇聞休聲
可檢校左散騎常侍青州節度使

授王宰河陽節度使李拭河東節度使制

前人

門下盟津雄屏大鹵名都上控三川旁聯七邑風俗近
陪於卜洛山河舊壯於列京苟非謀叶理戎惠能及物
則何以並膺閫寄服我朝章河東節度兼諸道行營招

討党項使王宰業貫韶鈴家傳帶礪備五才為戰器講
七德為武經氣本沉雄望高宿將河陽節度檢校禮部
尚書李拭學深堂奧慶襲軒裳以言行為樞機以禮義
為干櫓才推通變時號正人咸早分武符頗識兵要頃
總師一作戎旅共平壺關既弘偃伯之功並著勤王之節
嘗疇顯効久殿參墟歷涉清途動聞直道爰自大府出
戍淝河載申攬轡之能果稱宣風之美用稽懿績乃踐
齋壇朕以雜虜犯邊天兵在野盡護諸將屬於長材而

宰以徵恙所嬰全師難進虜成逋寇始務更張宜擁旆
於中軍復建旄於善地又以晉陽作鎮戎索所鄰撫其
四封必資碩望而拭臨人著術整衆有方克樹休聲允
膺茂選俾改轅於東夏盛推轂於北門爾其肅彼戎行
條其吏職內安凋弊遠瞻征徃勉副虛懷佇振紀一作貞
律不移鄭武之位再居陳寵之班懋乃有終式承丕命
授幽州留後張允伸充節度使制

前人

門下統制方隅昭宣威略苟非績効之茂孰當委寄之
權故開幕任青登壇拜信建置斯重古今為常幽州節
度留後檢校左散騎常侍張允伸性稟誠明才推倜儻
端已每存於忠孝嗜學早習乎天人侃然器能冠於戎
籍自維城遙領留務在躬惟專報國之心以洽奉公之
道節度既換儉恪彌勤况遼陽甲兵之雄幽都控馭之
遠假機謀以董雜俗資刑賞以靖朔隣由是錫鈇鉞之
正名授喉舌之顯秩升以亞相示之殊榮於戲施令在

巖失之者則虐為仁由惠過之者則非所宜政不建苛
法不隳制講武備以禦寇舉化條而育人服吾寵光佇
爾休問可檢校工部尚書幽州節度使

授田牟靈州節度使制

門下秦築城以備虜未若選將為長城漢設策以禦戎
吾知得人為上策况朔野之北全涼以東兵臨五城地
遠千里非疇勞無以分爵土非用武何以示恩威副吾
勤求允屬雄傑檢校金部尚書金吾衛大將軍田牟

才度間生智能兼聳家承弓冶業擅韜鈴而又揭厲儒
流詳閑吏術不戰而烽煙自息言兵而勝負已知洎早
服官榮常叅羽衛流五原之懿績播三鎮之威聲風猷
藹然令望斯著如一作爾弟兄之孝友化於閨門祖父
之忠貞書於竹帛是用擢在環列為予警巡覲其形容
益見誠意朕以党羗未滅邊障是憂藉汝通明與我安
撫所宜勵清廉於虜俗宣惠澤於戎人恢紀律貴乎齊
刑理蠻夷惡其生事藩垣北地控帶長河仍加毛玠之

榮不改趙堯之秩可檢校吏部尚書靈州節度使

授鄭光河中節度使鄭朗汴州節度使制

前人

門下蒲津重鎮式居闕輔之榮梁苑故都上應房心之
野若非德繼周舅才超漢臣誰當重難允彼僉議銀青
光祿大夫檢校兵部尚書兼左金吾衛大將軍鄭光風
宇冲曠襟懷坦夷常推陰識之心早慕竇嬰之美浙江
道觀察使檢校工部尚書鄭朗氣韻黃鍾文含大雅退

食著羔羊之節進身無茅茹之連或業擅宏圖名高懿績鎮青方而謳謚未息揔緹騎而績効已宣或誠由事彰行與言契踐三署而風猷暗襲廉四方而惠愛相輝而皆並立本朝藹然時傑品乃才用副吾深憂錫瑞分珪以示恩寵嗚呼國家自天寶之後中原宿兵元和已來信義方洽近者或任非所付官不敬常蒞事者以依阿為雅尚之名將軍者以姑息為苟安之計爾宜改轍而理貞師以嚴吏姦必除法弊當革是以再題陳寵之

劔不易趙堯之印授彼戎律榮登將壇勉揚休聲罔忝厥命

授李丕鄜州節度使制

崔 珣

門下天垂星而分將帥北極是尊地列嶽以體藩垣四方乃定自古王者因而法之旁求俊髦應彼形象前振武節度檢校刑部尚書李丕天資壯勇代習韜鈴追奔而不務前茅疑處已而常慙背北一作常思背水頃者壺闕不順方事阻兵爾能臨白刃而來推赤心向國洎累更符

竹成布謳謠陟其所明以邊事首遂著平戎之効遙張
破虜之威致使黃河陰山寇盜皆息朕以燒羗作梗朔
塞成榛禍結兵連兩經春夏是用輟爾代北委之雕陰
作吾金湯翼衛邦甸所宜以克伐一作伐謀為上策以無戰
為竒功禁暴安人克靖烽駟秋曹貳憲再飾旌旄往惟
欽哉順我休命

授柳仲郢東川節度使制

門下擁旄作鎮授任分憂訓師旅以恢武經厚風俗以

闡文教膺茲重寄允屬勲臣正議大夫守河南尹柳仲
郢清嚴蒞職禮樂承家動惟執中居必慎獨稟端慤之
正氣抱通濟之弘才早踐華資備揚懿業會府著彌綸
之美諫垣留審諤之規洎領郡符亦茂休績出入十載
尹正兩京堅貞不回沉毅有斷歷試斯久聲猷必能克
終令圖副我專委是用付以戎律登茲將壇乃眷左綿
實為右屏控壓夷落保衛皇都非慈惠博施不可以久
安黎庶非威懷並舉不可以綏靖封疆所宜膏潤一方

澄清八郡簡條章以檢郡吏齊法令以肅三軍
大宗伯大司憲兼而寵之以表殊獎勉承新命無怠前脩

授紇干泉嶺南節度使制 沈 詢

門下周禮將軍以六官叅選漢庭拜郡守公卿迭處出入中外發揮聲績選用之重古今所難銀青光祿大夫行尚書工部侍郎紇干泉惟爾元和中以文章德行升為甲科貞規藹然雅有公器火化而方知玉性歲寒而益見松心洎振拂朝纓抑揚官闕章羽儀於省署煥詞

藻於綸闈朕以瀕江之西悍俗難理輟爾禁掖委之藩
條果能宣愷悌之風著循良之迹南臺起部無展爾庸
所宜將我舊章化彼南服於戲朕垂衣裳以臨四海因
性分以撫羣生必欲叶軌而同文不敢重近而輕遠况
駱越故地蠻夷錯居尤須謹廉以察封部青綬繫趙堯
之印皂旂分鮑永之兵同井將壇式表予意爾其往哉
勉移風俗不挹於貪泉無使珠璣獨還於合浦可

授白敏中邠寧節度使制

門下昔孫弘以儒學進

詔令作脩

身寵兼裂土鄧禹以勲庸

著劾儀比三司是皆內外同規古今所重再揚新命允

屬元臣特進守司空兼門下侍郎同中書門下平章事

充山南平夏招討都統處置使

十二字詔令作充招討山南平夏虎項兵馬都

統制置等使并南北兩路供軍使

白敏中才智可以贊元功誠明可以

匡大務事君惟恐不盡守道惟恐不遜

詔令作孤

而能以無

心為待物之心以無用為當官之用朕君臨之歲首付

台衡六更星霜勤節如一自羌戎犯塞師旅屯邊招懷

莫應攻伐無狀爰用命爾往其鎮之果能潛移梟獍之心坐終豺狼之首始自夏半及于秦正大建功勞克寧烽駟終此誠意非卿而誰今封部既清是用休爾之討伐馬牛皆散是用罷爾之統臨不移論道之榮更帖持衡之貴纂乃舊事對予勤懷可守司空同中書門下平

章事克邠寧節度觀察使

大中五年十月

授康季榮徐州節度使鄭洵昭義節度使制

前人

門下彭城重鎮西楚故都壺關與區上黨雄寄一則控
長淮之津要一則衛洛邑之封疆撫制稱難才謀是急
爰得二帥乃建戎麾前四鎮北庭涇原節度使康季榮
方面信臣軍旅良將氣振金鼓義激風雲慕耿恭拜井
之誠有王剪請田之計武寧軍節度使鄭洵杞梓宏材
珪璋秀質明能燭物利可剗犀挺翁歸文武之能繼叔
度循良之美或藝習韶鈐性惟忠義擅威聲於百戰布
雄名於五營作鎮邊方克彰勲業一作或早踐華資夙

揚休問騰芳猷於詞囿振官業於吏途累膺寄任必流
政聲並用推馭衆才蘊幹時績効既宣獎擢是命建高
牙於徐土移大旆於邢郊用展良能務從委著爾其分
蒞茲土敬敷國恩嚴號令於三軍信賞罰於百吏使輶
門推戴閭井謳歌再膺九揆之榮更峻六卿之命仍兼
亞相式寵中權無替前功勉收壯節

授杜琮淮南節度使制

門下星以斗牛鎮臨吳楚有重江複關之奧寔通都大

邑之雄控制上游儀刑羣后自非台衡舊德廊廟宏材
則何以膺茲山嶽嶽之求副彼經邦之寄高選中外無

踰碩臣劔南西川節度使杜琮間氣孕賢相門襲慶韓

安之國器弘茂元凱之武庫深嚴禮樂文身守而勿失

政刑體要用之則行夙振英聲

一作猷

荐登相

一作高

位廟

堂之上有所不為縉紳之間共稱其道象賢祖德嗣美
前修體平陽之縝家暢黃瓊之練達自持瑞節作鎮靈
闕盛有建明衆推理行故疆盡復嚴道益清夷洛威懷

軍儲流衍德政有同於冬日邊封不犯於秋毫朕以禹
貢九州淮海為大阜負八郡井賦甚殷分閩權雄列鎮
罕比通彼漕運京師賴之自江已南近間歲歉黎氓稍
困流庸是虞思得慈惠之師以行惻隱之德黃霸在位
朕無憂焉汝為司空兼持邦憲慎乃出令以臨其人務
遵訓誡勉弘休績

授白敏中西川節度使制

門下寅亮天工既稱星筭葺寧戎塞頗茂功庸信出入

之有勞顧優崇而宜及况梁岷巨鎮全蜀輿區有彭僕
之富饒帶巴陝之險要非圖舊德難洽新恩邠寧節度
使白敏中嶽降英靈時推才傑周旋文雅城府寬弘久
侍禁闈備流聲績及居鈞軸頗茂芳猷朕起滯淹網羅
賢彥外野無孤鴻之嚮歸軒有連茹之征揚於王庭鬱
矣皇士莫匪爾績動契予衷洎羗寇憑陵殿茲西土戎
醜歛路柵堡相望既收功於邠邠宜移旆於井落於戲
勿以地遠而怠於躬親無以位高而忽於微細勗思後

効無替前勞懋哉懋哉服我成命

授李景讓襄州節度使制

門下漢制郡守有善政者增秩賜金周官諸侯有聲名者加地進律前代令典我將因之天平軍節度使李景讓早以文學德行列于四科中含柔善一作嘉表以堅白

直比汲黯孝如魯參素懷澹然清節可貴峻風規於臺閣流愷悌於方州居為國禎出作藩柄朕惟憲宗親除狡穴手復全齊付任在予不敢祇授一作守以爾事親既

孝於我必忠俾之鎮臨果茂聲績是用載新社土改築
齋壇不可使萃美於東方所宜遷仁於南國况荆衛舊
服江漢上游天作城池地連襟帶昔曹王以法繩封部
歲久則弊除于頓以兵東征徃人流而賦在不有思惠
安能理之勉圖官守式佇閒問可

授韋損鄆州節度使制

門下登壇仗鉞訓整為先攬轡登車澄清是切膺一方
之寄任兼二事之重難不有宏才孰允茲選銀青光祿

大夫守刑部尚書韋損稟天之粹體道之和接物如冬日之溫操心若寒松之勁導詞源而不竭泛學海而莫窮久服大僚早揚休聞累更中外迭處清崇善政克著於藩方雅量見推於朝右朕以天平巨鎮慎擇帥臣割據魯衛之方控帶山河之壯臨制綿遠戎旅驍雄非仁惠無以蘇疲人非威信無以正師律以爾才周物務識洞事先斷自余懷得之長理爾其推誠撫士布德安人容易則惠姦苛察則撓政害於事者必去無顧慮以妨

公利於俗者必行勿因循而不決當竭乃力副我知人
昇崇班於五兵啓元戎之十乘服茲寵渥勉恢令圖

授盧鈞大原節度使制

門下陶唐古郡晉國全服掌北門之管籥控朔塞之河

山貔虎

唐諱虎前後皆作武
後人不知悞改作虎

連營氏羗萬落用鎮興王

之地必求易

一作高

俗之才果獲碩臣允膺謀帥銀青光

祿夫夫檢校司空兼太子少師盧鈞玉山當畫水鑑澄
秋揣摩政經淬勵心術蘊賢人之大業蹈君子之中庸

進取不爭於險夷操尚無移

一作易

於風雨歷踐華貫早

揚淑聲便蕃大僚始終一致屢委戎寄亟間獻功番禺
清紹於隱之江漢愛侔於叔子壺關所復汙俗惟新解
亂繩而有條遷惡子而從化洎佩囊天府授鉞夷門克
樹風猷存舉方策今以塞垣未靜虜族多虞莫善綏懷
愈生疑貳道路既聞於漁奪亮殘頗見其鷓張尚念前
勞猶寬肆伐爰擇待時之器式觀禦衆之能輟於朝端
俾之鎮府爾其賞罰無私德刑公用以清靜之方闡吾

聲教以愷悌之義宣我化條理必成於恩威政無庸於

煩紊

一作殺擊
又作殺伐

勉

一作
緊

爾令典副予知人於戲北虜熾

周南仲有往城之績西羌擾漢營平陳保勝之方疇其
嗣之必有能者寵秩既光於論道恩榮仍亞於台庭以
壯戎旃勉服休命

授李業鄭滑節度使契苾通振武節度使制

前人

門下鎮臨白馬介趙魏之封陸地控黑山振羗渾之衝

要儔茲並命允屬長才前河東節度使李業宗室誠臣
幹時良傑傳山西之將略襲隴右之家聲右金吾衛大
將軍契苾通早擅英姿常推壯志挺鷲立鷹揚之操知
玉鈐金匱之書或建旆雄藩功宣保塞或馳軺異俗績
茂和戎咸竭噐能載光任使穆揮謙於大樹蘊風望於
長城以爾威足靖邊故委以疆場之事政能檢下故授
以統馭之權於戲整旅訓戎觀風蒞俗伏誠明以懷循
悍布惠化以卹疲羸將務息人無或生事明典刑以謹

侯度示恩信以洽戎心用叶睦鄰宜籌經遠換騎省八
貂之貴仍地鄉六職之榮勉恢壯猷無忝登壇之寄

授畢誠郟寧節度使制

門下太公經武首述文韜春秋謀帥亦啓義府大暢弛
張之道必求通變之才况乎撫易動之羗戎扞難集之
關郡安邊禦侮斷付能臣權知刑部侍郎畢誠端慤知
善一作善文學致身氣則沉詳思有高妙早馳榮問亟
端和性踐清途該洽憲章抑揚臺閣聿來禁署益茂芳猷孔光

之温樹不言王褒之洞簫魯諷憲慮必振於遠大抗志
不避於重難擢於文昌以酬職効強明不滯朕心器之
固可以式是師干授之能節况地雄秦塞境壓邠郊壯
南牧於盛秋作西陸之巨屏是宜平其險難一作險其走集
彼甲兵征疑作貞律臨戎推誠馭衆遠明邊務贍闕軍儲
一作旅非厚衣食之恩養闕之勇稱於無事之日常為有
備之謀連營苟示於嚴莊種落自當於柔服布我大信
深仗親規於戲寶嬰賜金不為廊廡之有營平積粟免

煩餽輓之勞減費惠人於斯為急節宣柄任稱朕意焉
貴視漢貂榮兼趙印茲為寵數以耀啓行可

授韋慤鄂岳節度使制

門下王者建諸侯以鎮撫方域立將帥以藩屏皇家受
任惟難選命斯重而况控三江之律疑庶揔六郡之賦

輿必得魚能乃膺成獎前鄭滑觀察使韋慤紳冕令才
人倫粹器業光經濟道茂溫恭蘊冒雪之貞姿挺發礪
之利刃自馳聲詞苑耀價儒林雅範蘭馨詞雄綺麗踐

更華貫揚歷顯途懿効彰明布于臺閣自職司誥命叅
貳春官業彌振於訓詞道愈光於得士及再遷會府休
聞尤彰由是嘉乃良才俾升節制流美化於洪河之曲
布威聲於白馬之津宜舉寵光用酬休績乃眷夏口實
曰雄藩道波遠接於荆衡作鎮式臨於漢沔由是再新
戎旆改築齋壇福一作興滑臺之詠歌慰鄂渚之黎庶爾
其以信義為理本以賞罰為政柄法亞夫訓旅之術以
肅轅門採龔遂理人之方以清郡國崇秩兼寵無易舊

恩勉乃令圖勿替前志

授李彥佐廊坊節度使制

門下撫千里者必仗於誠信統三軍者固資於良帥况
地雄廊時壤接王畿摠貔武精銳之師制牛羊

一作制稽胡

雜種之俗聿求上將以鎮近郊守太子少傅李彥佐夙
負雄明早通軍志生知忠義旁閱詩書計擬六奇功高
百勝聚米而山川可料變幟而壁壘盡傾奮庶藺之明
謀蓄關張之妙用頃者常膺獎任累踐藩垣信洽戎夷

愛深師旅有馭衆安人之効著在邊方有庶平貞慎之

規騰

一作布

於朝論自避榮私室物論尤歸朕以彫陰重

藩羗渾小擾蓋由乖於撫馭遂失和寧思得長才往圖

鎮理爾其敷我恩信戢其猖狂靜彼戎疆用資壯略

一作

志 嗚呼庶頗

一作營平

雖老尚請臨戎李牧居邊未嘗生事

遐觀前舉勉副徽猷榮加五教之尊仍帖三

一作栢

臺之

貴服茲休命無忝寵光

授崔珙鳳翔節度使制

門下乃眷岐陽襟汧擁漢古稱右輔以扶助王圻今為
別京以屏翰戎落載煩元老往撫舊邦實資經國之謀
高副安邊之寄守太子少保崔琪稟粹嶽靈挺生國威
門容駟馬族盛八龍冒襟洞開智略輻赴早以茂業踐
于持一作衡宣力致君有犯無隱怙疑叔教之喜愠體
伯王之卷懷一作洎服休天朝保釐洛邑誠明之道華
皓不踰能全素履之真雅得大臣之體方叔之猷克壯
師尹之望攸歸朕以保塞禦戎深圖良筭餽軍艱食常

在勞懷由是渴王商之儀形佇營平之籌畫伏蒲之奏
前席忘疲既咨嶽之求宜舉齊壇之典自閭以外爾
實專之斷守疑宏才庶集吾事勉敷恩信務洽華夷且
慰恩一作志思善圖政柄峻槐庭之禮命寵茅社之侯封
服我徽章敬茲有土

授韋博淄青節度使制

門下乃眷營丘表于東海富強號千乘之國繁雜聚四
方之人假上將之威權壯中軍之垣翰將疇閫寄必在

信臣守尉衛卿韋博文苑騰芳儒林擢秀襟靈曠遠風
度詳閑周通爰表於器能強濟式彰於事任早以重價
踐遷清途諫垣流謇諤之名通邑擅神明之譽頃自移
曹九棘緩步八埒冲澹安身卷舒惟道應茲圖任允叶
魚諧懿彼全齊實為右壤禹貢別九州之盛海濱綜五
郡之雄昔周命太師漢封韓信啓土用申於帶礪分茅
克懋於藩維選任之隆古今攸重於戲平仲盡規之節
夷吾當路之方經堂阜而徽猷可循指牛山而忠謹如

在餘波未泯遺愛斯存禮節既洽於里閭風謚尚傳於
古老為政之暇無忘諮詢盛鐵馬於師壇帖金貂於騎
省祇膺成命勉服寵光

授裴休汴州

二字一作
宣武軍

節度使制

前人

門下將相大臣中外迭任入奉股肱之寄出為藩翰之
雄無爽具瞻式彰注意金紫光祿大夫守中書侍郎兼
戶部尚書同中書門下平章事充集賢殿大學士上柱

國河東縣開國子食邑五百戶裴休氣稟嶽靈夢叶巖

瑞威鳳孤翔於玉圃仙鶴獨步於芝田學精典墳文緯

邦國自彤庭對一作發策諫列升班粉署擅貳卿之榮綸

闡迴五字之妙洎司饋運整葺牢籠策畫每得於親聞

功庸必見於一作其顯効章呈軌範歷試無差是用付以

權衡宜承任委咨之遠略炳然大綸四后協心萬邦繫

爾今百度有截庶績其凝前時屢以疾辭猶煩卧理豈

無優賢之道因遂由衷之意乃眷梁苑實為重藩荒大

東於周疆接小沛於

一作之

貢壤富庶將及悍勇無譁仁

化已洽於一方清風漸扇於全境閉

一作開

關自固懸敵

不鳴可仗台臣寘之靜理爾其踐厥位暢厥庸侯服既

增相印不解輔弼莫繫於遠邇聲容暫間於朝昏敬哉

戒哉服我重命可檢校戶部尚書同中書門下平章事

使持節汴州諸軍事行汴州刺史充宣武軍節度副大

使知節度事汴宋亳等州觀察處置魚亳州大清真宮等

使散官勳封如故主者施行

大中十年六月七日

一作皆唐大詔令

授李玘鳳翔節度使制

門下秦之舊都漢為右地扼戎疆之要害作上國之藩
籬旁聯封畿前抗巴蜀其所受任必擇忠良刑部尚書
兼宗正卿李玘生王侯之大家傳帶礪之盛業夙負才
術顯於官名周旋令圖佩服義教信以自立誠而致明
北海著輯睦之規南方流愷悌之化潔清知已寬猛協
中連委翰垣載高理行朕心所屬物議與能洎擢處月

卿掌我天旅不忝維城之寄副予同姓之求今以昆夷
來朝願納故壤將復河湟之境必資整訓之方遂結疆
場付爾汧隴於戲惟昔乃祖魯顯是邦勿墮貽謀光膺
分閫兼尹正察廉之重帖文昌憲府之崇勉副家聲以
酬殊獎

文苑英華卷四百五十六